

萬安縣志卷二

建置志

易鎮為縣自宋始焉城池公廨鳩工宜先維倉與庫制豈或偏都市舖汛水利相聯橋因渡設名以坊傳功成不朽億萬斯年志建置第二

城池

宋

元豐初知縣朱俊民始樂城六年癸亥知縣胡天民復築城浚池

紹興中知縣趙成之增築城垣置門東北因溪流為池西臨大江皆浚池

萬安縣志

卷二

建置志

城池

一

元

至正十九年己亥知縣彭九臯築土城周三里高一丈廣八尺乃置四門

至正二十三年癸卯春都尉錢唐奴築城較前高三分之二一廣踰半東門曰朝陽西曰高明南曰自南北曰拱辰西臨長江為濠東南西北之濠遶城長二里深一丈五尺

廣倍之

後因江水暴漲城垣樓櫓傾圮

明

正統十四年己巳詔各郡州縣古有城池見存者量加修葺舊無城池足據者漸行開築時知縣吳清量基度址以民力未優不遑修舉

正德間知縣桑翹修城益以磚石更置六門東曰威遠西曰五雲曰芙蓉南曰表忠曰觀瀾北曰通都週園七百一十四丈堞口九百五十個高二丈二尺連堞牆上廣一丈下廣一丈五尺

按表忠門因彭與明表忠祠而名表忠祠創於萬曆十三年後何以正德時便有此名疑舊志亦指其現在者言之耳

國朝

康熙三年甲辰知縣胡樞築城改併原堞九百五十爲四百七十有七置城樓五座惟芙蓉門久塞未開

康熙九年庚戌知縣胡樞謂芙蓉門爲文學所係復闢之

萬安縣志

卷二 建置志 城池

二

并構門樓城樓合共六座後以寇亂復塞

康熙十七年戊午知縣馬之驊復闢芙蓉門

康熙二十六年丁卯春雨連月江水泛漲傾城北隅并壞

堞口五十有七知縣黃圖昌築之

康熙二十七年戊辰觀瀾門樓被火知縣黃圖昌修之

乾隆十五年庚午邑人呈請知縣方居瀛將南門移建近

西北門移建近東

乾隆四十九年甲辰合邑士民見十五年更改南北二門以後不利科目呈請知縣靖本誼將二門移歸原處改南之表忠門爲文明門北之通都門爲迎恩門餘悉仍舊

嘉慶二十年乙亥知縣陶堯臣因壬申大水衝塌觀瀾門
護城堤礮及城身垛牆十三處捐廉次第修築共費工
料銀二千六百五十兩有奇

道光二年壬午知縣魏緝捐廉修復觀瀾門外被水衝決
碼頭護以堤埂水勢得殺

道光十四年甲午城牆被大水冲塌

咸豐四年知縣仇治文集邑紳修之並築長堤

按縣城垣高一丈五尺有奇週圍五里城上垛口共二
百六十個城樓六座凡六門因與舊志不符故記此

公廨

上諭亭在芙蓉門內舊志止載宣詔亭在縣前不知廢於何時乾隆三十八年癸巳知縣彭萬年始因各都急公之民舍舊基倡建今所三十九年知府盧崧撥修府志樂輸銀五百兩興造日久垣墉坍塌嘉慶十五年署縣蕭大本臨去捐廉五十兩屬暫修理二十四年知縣陶堯臣倡率邑人與考棚同時興建爲亭一座重簷四注前爲臺高與亭基等欄以石納陞九龍臺下丹墀爲各官行禮班次前爲門左右房爲待漏更衣所又前左右門四週以牆長二十丈三尺濶七丈三尺咸豐六年燬同治十一年邑人嚴肱獨力捐金照舊修復

萬安縣志

卷二

建置志

公廨

四

縣署在城正中自宋熙寧創建屢經修造 國初燬於兵舊圖署剏於康熙二年中爲大堂左爲贊政廳丞署遺跡也廳之左爲五雲驛內有馬王廟右爲民壯房房之右爲常平倉堂下左右廊爲科房中爲戒石亭傍有樹前爲儀門門外左爲土地祠快班房石爲監獄掙廳署前爲五雲樓一座上設更鼓亦曰頭門頭門左爲旌善亭今廢爲站房右爲申明亭前爲照牆臨大街大堂後爲宅門宅門前左爲萬源庫皂班房傾寶所宅門內爲川堂三閒由堂東而入爲厨房堂下左右廊爲門房右可通倉廩由堂西而入爲會客廳廳二閒廳後爲幕舍廳右另有花廳爲客館舍舍之南有廂房北爲花園園內

有臺建亭川堂後有小墀小房左通厨右通會客廳中
爲門屏以別內外門內兩廊皆房中有樹如大堂前其
上爲內堂三間堂後偏左有園樹以扶疎有廟有化字
爐週署環以高牆左包五雲驛右包常平倉及捕廳署
縣署之全局如此歷代修建列後

朱

熙甯五年壬子始建縣署在城正中

熙甯八年乙卯知縣許浹創修譙樓門陳襄記之見文志

元祐四年己巳知縣陳諷增修廳舍

宣和三年辛丑知縣蕭經重修

紹興二十四年甲戌知縣劉獬重修胡銓有記見文志

萬安縣志 卷二 建置志 公廨 五

慶元五年己未知縣趙師道重修

元

至正間知縣蕭同善重修

明

吳元年甲辰知縣張嗣先增廣其制修正廳三間後堂三
間幕司廳三間左右廊爲六房共一十四間儀門三間
上置譙樓知縣廨在廳堂後縣丞廨在左主簿廨在右
典史廳在幕司廳南六曹吏舍分居其中

洪武三年庚戌知縣馮勝建公廳六房各衙廨宇

正統六年辛酉知縣嚴璠修中庸堂直舍四間

正統八年癸亥知縣梁鞏建吏戶禮房各二間承發司一

間於堂左兵刑工房各二間勘合科一間於堂右
天順四年庚辰知縣徐安重建申明亭一所在譙樓門右
成化十六年庚子知縣袁士鳳重修譙樓三間戒石亭一
座旌善亭一所在譙樓門左曾鞏有記
見文翰志
宏治二年己酉知縣孫衡重修吏舍十二間在縣右
宏治四年辛亥知縣郭英建土地堂一間在儀門左牢獄
一所囚房十三間在儀門右

宏治五年壬子郭英又同縣丞鍾海增修柵六間榜亭二
座左自會元坊至承流坊止右自會元坊至宣化坊止
知縣廨舍暨縣丞主簿典史廨舍廳堂左右從屋其制
各三間

萬安縣志

卷二 建置志 公廨

六

國朝

順治初縣署皆燬於火官屬僦居民房俱無廨舍

康熙二年癸卯知縣李如滂重建大堂一座兩廊各房十
間爲六曹地儀門一座五雲樓一座上設鐘鼓定晨昏
堂後一間爲清心堂設宅門建庫房一間於右內堂三
楹爲思補軒從屋六間又後設門別內外上房六間分
列左右中構望樓一座

康熙五年丙午知縣胡樞復建冊庫二楹於川堂之左大
堂前設貯亭一楹左右翼以二廳儀門右建監房一所
大小五間

康熙十三年甲寅知縣譚忠義建賓館於頭門內右係舊

址

康熙二十二年癸亥知縣馬之驊重建申明亭署內外皆有增修

康熙二十七年戊辰知縣黃圖昌修清心堂

康熙三十一年壬申知縣宜思耀重建旌善亭

乾隆三十七年壬辰知縣彭萬年重修

嘉慶十一年丙寅知縣朱錫穀修造會客廳二間於川堂右

嘉慶十九年甲戌知縣陶堯臣添造花廳二間應差房三間在會客廳之西

縣丞署在城東薦溪巷口舊在縣署大堂之左 國初署

萬安縣志

卷二

建置志

公廨

七

燬官皆僦居民舍康熙二年知縣李如滂重建縣署未及丞署迨知縣胡樞修復濂溪書院丞遂借書院爲署二十七年知縣黃圖昌欲離異之而不果嘉慶十年乙丑邑人改建濂溪書院縣丞段光燿無所棲止訟於上憲知縣劉俊德捐廉五百金爲丞建署於今所規模宏敞丞賴以安署內有知縣朱錫穀碑記敘建署之由與此不符

咸豐三年縣城各署燬邑人修之六年復遭兵燬因籌款

維艱故未建復

新纂

典史署在縣署儀門之右與監獄緊連自 國初兵燬黃志云縣署歷有修整克復舊制惟丞尉廨尚缺未備是

署之修必在康熙二十八年以後及咸豐間燬同治八年典史黃中斌捐廉建之惟監獄未經造復按監獄在典史署側內有井見善行匡崇敬傳日久傾塞苦乏水乾隆二十年典史金炳震將拖屍巷蓋造店一間廁一所計長六丈三尺五寸寬三尺六寸每年收稅錢三千八百文雇夫挑水仍不敷工貲嘉慶二十年後知縣陶堯臣立章程每年縣給米十二擔以貲水夫工食又向來冬季縣署給監犯每人錢四百買綿襖藉以禦寒道光二年知縣魏緝據典史潘正心稟拖屍巷隔壁有官店一所計兩棟三間長三丈四尺寬一丈一尺後棟寬一丈向係縣署收稅今將此店與拖屍巷稅

錢收存捕署每年買好布新花做綿襖於冬季分給監犯共計兩處店稅錢貳拾肆千文以四月十月兩次收內除壹千文檢蓋勒石載明給米以挑水收稅以製衣緣由務使監犯永無乏水號寒之苦錄之以彰體卹以垂久遠其襖每件長三尺六寸重三斤四兩次年更新卽將上年綿襖給作臥被

武索司向稱皂口司衙署舊在皂口康熙間移駐大王廟蓋以皂口居贛江之西通贛南驛路大王廟在其東兼通雩都興國兩縣易於盤詰也初賃民居乾隆三十三年始奉文建署於大王廟北

道光十八年奏准移駐武索其署仍在大王廟

灘頭司巡檢署在百嘉市舊在第九都通津橋地近金灘故名繼移駐窩頭市遺基尚存雍正二年移駐百嘉賃民房居乾隆三十一年巡檢伍承祐以鄉約所改爲署嘉慶年間巡檢陶德浚移置頭門於左巡檢余垣重修咸豐六年燬同治十一年巡檢江祿重建

都司營署在城南門內按明嘉靖四十年辛酉設守備署於縣北漏湖坪 國朝順治六年己丑復設守備署不可考雍正四年丙午始建守備署於此計十八間九年辛亥改設都司因名都司署乾隆二十年乙亥都司李時擴添造六間三十六年辛卯都司劉生芝添造五間署右有箭道一所建時教亭火藥庫在箭道內軍裝庫

萬安縣志

卷二

建置志

公廨

九

在署內演武場在東門外東湖洲有廳有臺有馬道咸

豐六年燬

舊布政司分司署在縣西觀音閣前明洪武三十二年知

縣趙彥剛建宣德四年縣丞姜敬修

舊湖西道署在縣治西後爲龍溪書院洪武三十二年知

縣趙彥剛改爲倉成化間知縣梁鞏重修

舊府館在縣西十步舊爲稅課局正統二年改爲府館通

判嚴垓趙璧重建

舊五雲遞運所在縣西臨大江洪武八年新設吉贛二郡

共撥紅船五十一隻防夫六十名本衙門大使一員司

吏一名夫船五十一隻

舊主簿署在縣署大堂之右順治初署燬缺亦奉裁
舊五雲驛丞署在西門外傍有五雲閣成化乙巳洪水衝
決驛丞移署於城隍廟側雍正四年缺裁嘉慶十年改
建縣丞署將地基賣銀三百兩助修

舊皂口驛丞署與皂口司同處 國初缺裁署廢

考棚在北門內泮街背倚城前臨街右有井嘉慶二十四
年己卯契買劉高二姓地興建中爲登俊堂廣四丈深
稱之堂左鵠峙門內爲棚一所二間右鸞停門內爲棚
二所各六間堂下左右棚各九間左棚之左一棚二間
右棚之右爲高牆以包餘土堂下砌石爲墀橫潤如堂
直長如左右棚前爲雲江試院門三闔左右翼以房內

萬安縣志

卷二

建置志

公廡

十

外各兩間右另爲房四間門外砂墀週以高牆前牆爲
雲路天衢二門登俊堂後爲寢室三間寬與堂等中間按
前以亭左右牆兩月門右通堂右之棚左爲鄭心堂花
廳一所三間西向花廳之北爲廂房四間以一爲廚寢
室廂房後爲高牆以包餘土通計六棚坐號一百一十
三條可坐考生二千餘人知縣陶堯臣記之

見文
翰志

咸豐六年考棚燬邑人劉士楠修復以登俊堂右邊坐號
改作花廳一所共計十三間顏爲冰鑑堂邑中有關文
教公事可設局傍一寬廊可作廚房其左邊鄭心堂易
名玉尺堂餘則俱如舊制同治四年考棚門壁殘燬復
經劉士楠修之邑令賀宏勳有記

見文
翰志

開鄉人一起考棚內其房屋寬大無人住宿亦易敗壞准借出
井前燈不許開歸至門炮時便閉戶不納館者責備有守事出
外點致後必歸且必讀書久踞其可借住不弊如濂一溪凡
院人以致長年在內且必讀書久踞其可借住不弊如濂一溪凡
合邑有文教內舉公議事及右邊餘土棚內設局并得
稽察一切其棚內舉公議事及右邊餘土棚內設局并得
屬守不得分利管
外人不考棚人掌

惠民藥局在譙樓門左局廳三間養堂三間明洪武間額
設內外二科星廢基存

養濟院舊名居養院在縣西明永樂三年知縣符濟遷於
縣北楹上孤老每名月支米三斗柴薪錢六十文歲給
苳綿布各一匹住星共計十二間東六間男子住西六
間婦女住宏治五年縣丞鍾海增修六間歲久屋圯

萬安縣志

卷二 建置志 公廡

十二

國朝康熙九年知縣胡樞建中廳三間左右各大門一座
並三間房分男女列廚竈風雨無患孤老以安按孤貧
額設七十二名口糧各布銀貳百五十九兩二錢遇閏
加銀二十一兩六錢

旌善亭知縣宜思耀重建此亭今站夫借爲站房前兩間
計寬二丈九尺深二丈一尺後兩間計寬一丈六尺六
寸深九尺五寸 按申明旌善二亭各鄉都皆有今俱
廢

雲龍會館在京都正陽門東冰窖衙計房屋八間爲萬
安龍泉兩縣公所摘取五雲字義配合龍泉名爲雲龍
乾隆年間因館人照理不善舉人胡有聲與龍邑在京

之人將此館交與二忠祠公共代管收稅今吉安有二忠祠又有新老兩會館邑人入都與九邑同寓綽有餘裕雲龍會館鮮過而問者恐日久遂忘其所有也故錄以存其概

忠義祠在吉郡奎聚門內府學尊經閣右邊道光年間邑中公建以祀合郡忠義列先輩遇考試為兩學師及各廩生併書斗辦公之所咸豐六年兵燬光緒元年邑人建復

附向之章由七緣條前此一改建義府祠各學俱有吉安府學獨洋池一帶並無房屋可為兩尊經閣右邊較以別申年十月枯茲已稟府憲在尊經閣右邊起造甲申年十月偏初二日進後基進十廳堂為牌位龕三另設屏風兩座有左前後兩進

萬安縣志

卷二

建置志

公廨

十三

右為兩寓舍後為晒墀左廊右為廚舍右邊祠外另有為廁學長隨寓舍後為晒墀左廊右為廚舍右邊祠外另有為廁屏門前階下為砂墀左右廊住宿兩楹公之放所前進中龕下每府院試本邑可認挨兩保即於祠內如此局蓋用忠義記其棹人俱住舊方門預備一切議定內招棹本邑一灶二俱備棹人住舊方門預備一切議定內招棹本邑一灶二宿不在郡稅錢逢生考時著伊搬出卦別裁後等一人切用器進住單交舉方執掌住有否失則毋許混入補其一人忠義祠非有遇考店保舉方執掌住有否失則毋許混入補其一人忠義祠非有遇考試府亦聽借紳公館事一至忠義祠其日暫久寓本邑官處逢公在府亦聽借紳公館事一至忠義祠其日暫久寓本邑官處逢公時書門僱工檢蓋學錢亦書興各項自整以補給興項下一祠內器用日久口壞學錢亦書興各項自整以補給興項下一祠給費住一忠義祠例有春門二祭遇掃官階行祭之日義祠現有忠義祠應伺啟門閉戶打掃官階行祭之日緣向現議章人照舊復登記以較人為守

倉庫

常平倉所以貯積穀便民倉所以收糧米舊志有便民倉無常平倉今有常平倉無便民倉按舊志明洪武初年設預備倉二十二所倉名後列守者虧報穀數責戍遠方二十三年宣召老人石萬全等赴京關領寶鈔回縣糴穀收貯各倉歲饑則開倉放穀秋熟則報完倉經久亦不取息此卽古社倉法也又宏治五年知縣郭英建置預備倉三十二間在譙樓內左及吏戶兩房後儲穀八千九百一十八石四斗四升雖不載爲放爲糴疑卽常平倉之謂不然在城有倉在觀音閣右矣何又設預備倉於譙樓內平大抵明制不沿襲常平社倉之名凡貯積

萬安縣志

卷二 建置志 倉庫

十四

穀概謂之預備倉耳便民倉自景泰四年都御史韓雍委通判踏勘得水次建倉於第二都之曲坑口收貯糧米東西各建屋二十間糧長每年納倉基米一十五石設門子倉役各一名隆慶元年知縣王圻改建於新立守備府之前左邊在漏湖坪設守備已六年以便上鄉糧長納米又建倉於灘頭巡檢司之左在第九都以便下鄉糧長納米又云 國朝惟設便民倉一區歲儲正米七千四百二十七石五斗零副米三千九百三十六石五斗零耗米八百二石六斗零兵米一千八百二十四石四斗零兵米內坐給本營兵糧七百二十石其倉已廢乃租民房爲之康熙二十七年戊辰知縣黃圖昌議復倉於原守備

府之旁而不果戊辰距順治元年纔四十五年而云共倉已廢是 國初雖設便民倉實未嘗建也今縣署右現在之常平倉不知何年何官建而收貯糧米卽在此倉乾隆四十八年知縣侯錫袞申覆藩司文云常平倉二十九廩除存貯額穀外其餘空閒倉廩征收漕米隨收隨兌上船起運空出廩口再行征收並無另有漕倉迄今又四十年一如侯令所云此倉廩之大畧也舊志所載漫無頭緒故總括之而先列其現在者後列其已廢者以便省覽

常平倉在縣署大堂之西通計二十九廩北爲廳南爲廟

天字廩間三在東北角面北 地字廩間二 元字廩間二

萬安縣志 卷二 建置志 倉庫 十五

黃字廩間一 字字廩間一 上五廩在廳之左面南

宙字廩間一 好字廩間一 上二廩在廳之右面南

餘字廩間二 日字廩間二 月字廩間一 盈字廩間一

昃字廩間一 辰字廩間一 宿字廩間一 列字廩間一

張字廩間一 寒字廩間一 來字廩間一 暑字廩間一

往字廩間一 上十三廩在右面東

秋字廩間二 收字廩間二 冬字廩間二 藏字廩間二

大字廩常二間右倉門爲 有字廩間二 豐字廩間二

上七廩在左面西

內字廩間二 平字廩間二 上二廩連在廳後面南

嘉慶十九年知縣陶堯臣將此二廩改爲應差房三間

今止有二十七廩共四十間每間以丈尺計應貯穀八百五十五石現貯額設積穀壹萬陸千叁百叁拾壹石肆斗貳升其空閑倉廩征收漕米

省會水次倉在省城章江門外右手河邊計二十五廩內

有廳有臺臺上下各五間右邊守倉門子住房五間臨

河面新洲嘴經始失考 國朝康熙間知縣馬之驊重

修嘉慶十二年丁卯知縣朱錫穀重修以上各倉廩均遭寇燬待修復

社會七所 經始失考

橫乾社在都第七 江夏社在都第八 中塘社在都第八

銀塘社在都第二十五 黃塘社在都第三十四 長橋社在都第三十二

大王廟社在都三十一 以上社會向貯額設穀壹千玖百玖

萬安縣志 卷二 建置志 倉庫 十六

拾肆石陸斗捌升貳合壹勺今廢

百嘉倉在都十一十五間 新洛倉在都第九 昂村倉在都十二

在城倉在都觀音閣右 衙岡倉在都第三 塘下倉在都第四

龍下倉在都第五 下晚倉在都第六 洛富倉在都二十五

下百六倉在都十五 富坑倉在都二十 鄧林倉在都二十三

高峯柱倉在都十六 田南倉在都十七 武朔倉在都三十

上造倉在都二十 下造倉在都二十 上百六倉在都二十

後林倉在都二十 梁口倉在都三十 黃塘倉在都三十

露團倉在都三十 以上二十二倉即預倉 俱洪武間設除領

官鈔糴穀外更有宣德正統間勸借穀荒絲換穀贖罪

穀不等今雖久廢而惠民美意不可沒故載之以存事

蹟

武朔義倉

在三十都儲穀二千五百石義民曾時望建

金竹義倉

在第十都儲穀二千二百石義民張守仁建

右二倉前明欽差監察御史薛希璉勸富民出穀入官
建倉收貯以備賑濟今廢

存畱倉在縣署東吏房後地基直抵火巷官吏俸給直使客
官兵往來口分孤老月糧在倉內關支每年量撥秋糧
米收貯出納有籍洪武以來本縣俸米俱在儒學倉關
支宣德間教諭呂鏞申達本縣別行置倉後遂建倉門
屋南北東西各設廩倉不復於儒學支矣今皆不存
儒學倉舊志不書其地疑卽祿賢倉在東廡後歲撥本縣
萬安縣志

卷二

建置志

倉庫

十七

糧米三百餘石支給官吏俸生員廩膳今廢

縣倉在縣西街後宋元時建以收俸米後改爲布政司分
與社學相連今不復存矣

贍學倉在精修觀側

省倉常平倉舉子倉皆湮沒無考

萬源庫在縣署大堂之後宅門前左修縣署時宜照舊修
復

省庫役庫版籍庫月椿庫載舊志其地無考

都里

縣治舊領三鄉共三十五都七十二圖黃志以在城四圖一都二圖二都二圖名曰八廂爲城內外所屬今仍舊志併入永和鄉魏志以永和鄉所屬之二十一二十三四五二十九三十等都屬龍泉鄉則是以縣西北所屬之地歸諸縣南之鄉未免雜亂今更正舊志軍都等四圖散處各鄉今仍魏志附列龍泉鄉按軍都及僧圖康熙三年增福興圖乾隆十九年增

永和鄉所屬共二十都四十四圖

在城四圖一圖在打箐王且角等處二圖在大蓼舖芳德橋等處三圖在白田上西門內牌溪梅塘等處四

萬安縣志

卷二

建置志

都里

十八

圖在下村松壁長塘塘下籠等處

一都領圖二一在縣東二十里之茶亭腦牛形黃山松木坪等處一在縣南之十里舖等處

二都領圖二分左右圖右圖在縣東十餘里之塘下井源鄒家陂等處左圖在縣北之雁塔松關九石陂晒背古瀛等處

十一都領圖四在縣北四十里之山岡石坑百嘉上黃南城下等處

十二都領圖二在縣北二十餘里之渡頭山下原陳背等處

十三都領圖五在縣西北四五十里之浣溪泮塘甘塘

龍坵石洲里壩北溪等處

十四都領圖三在縣西北八十餘里之塘溪蘇溪白土市梅陂等處

十五都領圖一在縣西北七十餘里之上宏德橋德陂等處

十六都領圖二在縣西北六十餘里之符竹彭門獲驄泗源象湖高陂等處

十七都領圖三在縣北四十餘里之西韶觀音閣東降夏韶村下董課塘易塘尾等處

十八都領圖一在縣北五十餘里之南乾山塘路邊窖坑大溪下村店前平井新坪田西坳塘高岡韶口等

萬安縣志

卷二

建置志

都里

十九

處

十九都領圖二在縣西北五十里之風溪下屋山陂主頭城墘下等處

二十都領圖二在縣西北四十餘里之鏡台背黃屋大塘下山下田西等處

二十一都領圖二在縣西五十里之潞田讀堂大小塘沙塘等處

二十二都領圖一在縣西北五十里之東村廟仔前大坑口牛嵐坑等處

二十三都領圖一在縣西北三十里之仁陂黃陂上譚金溪等處

二十四都領圖一在縣北十五里之羅塘灣雲洲金灘
土龍雙龍等處

二十五都領圖一在縣西二十五里之舟港塘尾村頭
村背塘下等處

二十八都領圖一分左右圖在縣西北十里之嵩陽奇
富王江小陂頭等處

二十九都領圖一在縣西二十里之西塘桂林白泥溪
頭南埠水北洲等處

三十都領圖一在縣西三十里之鄧林楓林長富灘良
園等處

誠信鄉所屬共八都一十八圖

萬安縣志

卷二

建置志

都里

二十

三都領圖一在縣東三四十里之蕉源賽下墨莊陳家
何家西山溪下等處

四都領圖一在縣東二十五里之彭家坳石塘夏官第
木塘樟家坊湖下等處

五都領圖一在縣東四十里之茅坪上灌梅坑章溪下
路藍田龍溪中陂蘆源洞等處

六都領圖一在縣東三四十里之桑樹坑大鏡陂大源
橫路獨嶺頭晚溪中龍剡溪螺蝦頭三傑等處

七都領圖四在縣東三四十里之南洲湖斯坪桐江學
堂樓下八斗下蕭湖陂湖溪流芳長田上羅等處

八都領圖二在縣東四五十里之長江中塘陽城鄧塘

灣頭湖頭河塘等處

九都領圖三在縣東六七十之魯下下坪松山通津
橋城江富竹港等處

十都領圖五在縣東五六十里之銅鏡田心背下祥園
平塘田墩岸窑頭慕塘曲塘陳元背軫塘橫塘平塘
溇埠高坪塘中寸塘山背等處

龍泉鄉所屬共七都十圖

二十六都領圖一在縣南百餘里之柏广等處

二十七都領圖一在縣西南八十餘里之夏造等處

三十一都領圖一在縣西南二三十里之嘉湖棉津雙

溪社坪梅團等處

萬安縣志

卷二

建置志

都里

二十一

三十二都領圖一在縣西南七十里之長橋彈子前上

洛南口皂口清里等處

三十三都領圖一在縣東南九十里之小蓼武索塘梓

澗田黃屋菊屋等處

三十四都領圖一在縣東南一百二十里之良口高腦

坪均村等處

軍都二圖一圖在鶴塘黎家麻溪鄧塘汪灘竹園冠萇

洽屋二圖在壁龕下下坪甘綸棠溪桃花園韶口

福興圖領東鄉蘆源蕉源上村一帶南鄉土蓬一帶西

鄉雙坑一帶北鄉長坪象背一帶

僧圖一圖

按舊志都里一事畧而未詳詎知都里未明郎不能悉地之廣狹數閭之衆寡辨道路之遠近迂斜爲民牧者不此之務又何以掌其獄訟趨其稼事攷民之德而行而勸之糾民之過惡而戒之則都里洵爲保甲之綱領也余蒞任以來悉心於是久矣因將都圖村里詳細查核彙列於此

新纂

市墟

城市 由西門外河街對水碼頭入城過城隍廟濂溪書院至縣署前又東至北門直街折而南又折而東過縣丞署出東門至東湖洲邊止縣署前另一街至循良坊

良口市 一在縣南百 均村市 百在縣東南一 澗田市 一在縣東南

武朔市 七在縣南 彈子前市 八在縣西南 長橋市 七在縣西南

皂口市 六在縣西南 綿津市 三在縣西南 鄧林市 二在縣西

兩江市 之疑滙即故名在羅塘灣當二 澗津市 二在縣西 韶口市 四在縣西北

上宏市 六在縣西北 白土市 七在縣西北 百嘉市 四在縣北

窰頭市 十在縣北 通津市 六在縣北

右市舊十所魏志增六所

萬安縣志

卷二 建置志

市墟 巷 二十三

平頭墟 陂下墟 高陂墟 上太墟

南乾墟 梅田墟 突塘墟 溇埠墟

後林墟 上造墟 太平墟 界江墟

山陂墟 昂村墟 驛頭墟 田广墟

武朔墟 市今為

右墟十七所今皆廢

柏广墟 長橋墟 沙坪墟 彈子前墟

附城中古巷六

火巷在馬號背出街 薦溪巷在縣丞署前

丁街巷 虎邱巷在東門內

黃家巷 村頭巷

附城中井七

一在南門內

一在循良坊前

一在考棚前以者上三多井

一在北門內臺總憲坊側已塞

一在芙蓉門內已塞

一在學宮右

一在北門外東瓜廟

萬龍公館在江西南省廣潤門外西瓜紙套地方係同治八年抽取萬龍兩縣地公建

五雲賓館在贛州城內攀高舖地方係同治二年買別邑郭姓房屋改建寓者驗牌為記以示區別

郵舖

五雲驛宋元時名贛陽驛在縣城西大江濱上通皂口至贛之攸鎮驛一百六十里下至浩溪驛六十里明洪武間設驛丞一員驛吏一名館夫六名站船五隻每船夫十名額設朋糧八十石船舖什物俱備 國朝額設人夫八十五名差馬二十八疋永新宜黃崇仁三縣協濟夫馬工料銀四百六十六兩八錢於康熙七年改歸本縣支應地處衝疲差使絡釋額設每苦不給非多方經理迫不能支供事夫七名館夫四名器夫三名皆全書所載承應上下差使者卽今之館夫也遇差上至攸鎮下抵泰和舟車所經殆無虛日爲役最繁歷來見年承

萬安縣志

卷二

建置志

郵舖

二十五

充里民苦之康熙二十七年知縣黃圖昌痛革前弊不用里民照額招募按月給以工食在站答應雍正間驛丞缺裁署亦廢改驛舍爲馬號在縣署左咸豐六年寇燬同治九年現任知縣周之鏞墊款修復較前宏敞縣站并皂口腰站原額驛馬共五十四匹乾隆間裁減十四匹縣站驛馬二十四匹 馬夫七名 遞夫二名卽站夫派撥 站夫八十名 在縣應差

皂口驛在縣西南六十里明洪武五年設其官吏夫船與五雲驛同順治間驛丞缺裁改設腰站

腰站驛馬十六匹

馬夫五名

遞夫三名

縣站夫撥

驛站公館一所在大王廟地方乾隆五十一年知縣畢廷

斌買地興修看守人縣給發工食

總舖在縣儀門左舊在正街東南按舊志每舖立郵亭一
日晷臺一望牌一總舖舖兵十二名其餘舖兵俱六名
明洪武七年知縣馮勝建與今不符

楊梅舖在縣南十里 耳環舖在縣南二十里昔為綿津驛

罌罌舖在縣南三十里 大蓼舖在縣南四十里 小蓼舖在縣南五十里

皂口舖在縣西南腰站六十里 長橋舖在縣西南七十里 皂徑舖在縣西南八十里

新安舖在縣西南九十里 土富舖在縣西南一百里 以上十舖通贛縣

紫袍舖在縣北十里 雙徑舖在縣北二十里 半陂舖在縣北三十里

金竹舖在縣北四十里 平頭舖在縣北五十里 新洛舖在縣北六十里舊為新洛

馬驛宋元為時置舖 鈎溪舖在縣北七十里 以上七舖通泰和

萬安縣志 卷二 建置志 郵舖 二十六

柯山舖在縣西十里 鄧林舖在縣西二十里 以上二舖通龍泉

額設舖遞二十處共舖兵七十七名每舖四名惟總舖
五名柯山鄧林各二名

塘汛

西門塘外在城

漂神塘十下至五里縣

綿津塘三下至十里縣

皂口塘十下至五里縣

武朔塘十下至五里縣

崑崙塘里下至上至縣良九口十

十五里與

羅塘灣塘二上至十里縣

百嘉塘四上至十里縣

窑頭塘溪上至五里縣與泰和縣下至浩

右水塘九

平陂汛三十至縣 乾隆二十四年己卯知縣凌應蘭詳請將

龍坵水塘改設於此

通津汛六十至縣 乾隆三十五年奉文添設

右陸汛二

額設水陸塘汛十一處每營房三間望樓一座煙墩三

萬安縣志

卷二

建置志

塘汛附

二十七

座砲臺一座旗杆一根柵欄一圍守防兵五名俱縣營

撥

蕉源汛 乾隆年間廢